

মিশকাতুল মাসাবীহ (মিশকাত)

হাদিস নম্বরঃ ১২৫৪

পর্ব-৪: সালাত (كتاب الصلاة)

পরিচ্ছেদঃ ৩৫. প্রথম অনুচ্ছেদ - বিতরের সালাত

بَابُ الْوُتْرِ

আরবী

عَنْ ابْنِ عُمَرَ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «صَلَاةُ اللَّيْلِ مَثْنَى مَثْنَى فَإِذَا خَشِيَ أَحَدُكُمُ الصُّبْحَ صَلَّى رَكْعَةً وَاحِدَةً تَوْتِرَ لَهُ مَا قَدْ صَلَّى»

বাংলা

১২৫৪-[১] 'আবদুল্লাহ ইবনু 'উমার (রাঃ) থেকে বর্ণিত। তিনি বলেন, রসূলুল্লাহ সাল্লাল্লাহু আলাইহি ওয়াসাল্লাম ইরশাদ করেছেনঃ রাতের (নফল) সালাত (সালাত/নামায/নামাজ) দু' রাক্'আত দু' রাক্'আত করে (আদায় করতে হয়)। কারো ভোর হয়ে যাওয়ার আশংক্যবোধ হলে সে যেন (দু' রাক্'আতের) সাথে সাথে আরো এক রাক্'আত আদায় করে নেয়। তাহলে এ রাক্'আত পূর্বে আদায় করা সালাতকে বেজোড় করে দেবে। (বুখারী, মুসলিম)[১]

ফুটনোট

[১] সহীহ : বুখারী ৪৭৩, মুসলিম ৭৪৯।

ব্যাখ্যা

ব্যাখ্যা: ইমাম আবু হানীফাহ্ (রহঃ) বলেছেন যে, চার চার রাক্'আতে সালাত আদায় করাই উত্তম। তবে আমি এমন কোন সহীহ এবং সরীহ (স্পষ্ট) হাদীস দেখতে পারিনি যা রাত কিংবা দিনের সালাত (সালাত/নামায/নামাজ) চার চার রাক্'আত উত্তম হওয়ার উপর প্রমাণ বহন করে। তবে তাদের (হানাফীদের) কেউ কেউ বলেছেন যে, রাতের সালাত দু' দু' রাক্'আত করে এবং দিনের সালাত চার চার রাক্'আত করে পড়া উত্তম। সাওরী, ইবনুল মুবারাক, ইসহাক, আবু ইউসুফ ও মুহাম্মাদ প্রমুখগণ এ মতের প্রবক্তা এবং তারা ইবনু 'উমার (রাঃ) কর্তৃক বর্ণিত হাদীস থেকে দলীল গ্রহণ করেছেন, তারা বলেনঃ যেহেতু রাতের সালাত দু' দু' রাক্'আত করে পড়া উত্তম, কাজেই দিনের সালাত চার চার রাক্'আত করে পড়াই উত্তম। তাঁরা আবু আইয়ূব

أربع قبل الظهر ليس فيهن تسليم, (রাঃ) বর্ণিত মারফু' হাদীস দ্বারা দলীল সাব্যস্ত করেছেন যে,

অর্থাৎ যুহরের পূর্বের চার রাক'আতে কোন সালাম নেই। জবাবে আমরা বলতে পারি যে, রাতের সালাত দু' দু' রাক'আত করে আদায় করা উত্তম আর দিনের সালাত দু' কিংবা চার উভয় পন্থায় আদায় করা বৈধ।

হাদীসের আলোচ্যাংশটুকু ইমাম শাফি'ঈ (রহঃ) মতামতের পক্ষের স্পষ্ট প্রমাণ। তাঁর কথা এক রাক'আত বিতর সুনাত সম্মত এবং সহীহুল বুখারীতে রয়েছে যে, রাতের সালাত দু' দু' রাক'আতে আদায় করবে এবং যখন ফিরে যাওয়ার ইচ্ছা করবে তখন এক রাক'আত সালাত আদায় করে নিবে এবং তা তোমার জন্য বিতর হবে।

উক্ত হাদীস দ্বারা হানাফীদের সে দাবী (এক রাক'আত বিতর যে ব্যক্তি ফজরে জাগ্রত না হওয়ার আশংকা করে তার জন্য খাস) প্রত্যাখ্যাত হচ্ছে। কেননা উল্লেখিত হাদীস সালাত শেষ করে ফিরে যাওয়ার সাথে সম্পৃক্ত এবং তা ফজরে জাগ্রত হওয়ার আশংকা থাকুক বা না থাকুক সর্বক্ষেত্রেই তা প্রযোজ্য। এছাড়াও বহু সহীহ হাদীস ও আসার রয়েছে যা দ্বারা এক রাক'আত বিতর প্রমাণিত। পক্ষান্তরে وَتَيْرَةُ (ছোট বিতর) অর্থাৎ এক রাক'আত বিতর নিষেধ সংক্রান্ত যে হাদীসটি পেশ করা হয় তা য'ঈফ।

হাদিসের মান: সহিহ (Sahih) পুনঃনিরীক্ষিত

পাবলিশারঃ হাদিস একাডেমি

🔗 Link — <https://www.hadithbd.com/hadith/link/?id=55814>

📖 হাদিসবিডির প্রজেক্টে অনুদান দিন